

萬有文庫

第二集七百七種

王雲五主編

吳梅村詩集

(一)

吳偉業撰

吳翌鳳箋注

商務印書館發行

吳梅村詩集

(一)

吳偉業撰

吳翌鳳箋注

國學基本叢書

吳梅村詩集

(二)

吳偉業撰

吳翌鳳箋注

國學基本叢書

吳梅村詩集

(三)

吳偉業撰

吳翌鳳箋注

國學基本叢書

吳梅村詩集

(四)

吳偉業撰

吳翌鳳箋注

國學基本叢書

萬有文庫

第二集七種

總編 葉 著

王 雲 五

商務印書館發行

王雲五主編
萬有文庫
第二集七百種
吳梅村詩集
四冊

版權有所翻印必究

中華民國二十六年十二月初版

六五四一上E

撰者 吳偉業

箋注者 吳翌鳳

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

(本書校對者 徐壽餘 黃聿祥)

分

書

四庫全書總目提要

梅村集四十卷

國朝吳偉業撰。偉業有綏寇紀略已著錄。此集凡詩十八卷，詩餘二卷，文二十卷。其少作大抵才華豔發，吐納風流，有藻思綺合，清麗芊眠之致。及乎遭逢喪亂，閱歷興亡，激楚蒼涼，風骨彌爲遒上。暮年蕭瑟，論者以度信方之。其中歌行一體，尤所擅長，格律本乎四傑，而情韻爲深，敘述類乎香山。而風華爲勝，韻協宮商，感均頑豔。一時尤稱絕調。其流播詞林，仰邀容賞，非偶然也。至於以其餘技，度曲倚聲，亦復接跡屯田，嗣音淮海。王士禎詩稱白髮填詞，吳祭酒亦非虛美。惟古文每參以儷偶，旣異齊梁，又非唐宋，殊乖正格。黃宗義嘗稱梅村集中，張南垣柳敬亭二傳，張言其藝而合於道，柳言其參寧南軍事，比之魯仲連之排難解紛，此等處皆失輕重，爲倒却文章家架子。其糾彈頗當，蓋詞人之作散文，猶道學之作韻語，雖強爲學步，本質終存也。然少陵詩冠千古，而無韻之文，率不可讀，人各有能，有不能，固不必一一求全矣。

弁言

梅村詩集向無注本。自黎城靳氏集覽出。風行於世。然瑣碎蕪雜。詳略失宜。且多穿鑿附會之處。未爲善本。吾友吳枚庵氏少歲卽爲是書作注。及出遊楚豫。舟車所至。攜以自隨。攷訂詳密。繁簡得當。余嘗讀而善之。比年遊倦歸里。而是書尙塵笥篋。余惜其五十年之精力。而未獲行於世也。爲捐俸刻之。蓋此書出而集覽可廢矣。至梅村之詩。指事類情。無媿詩史。世固有能論之者。茲不更贅云。

嘉慶甲戌秋八月滄浪吟榭主人嚴榮識

參閱姓氏

長洲顧舜年壽豈
餘姚盧文弨召弓
長洲江 聲鏗濤
德清沈端蒙希顏
吳縣汪 縉大紳
夏邑李樹穀季方
長洲余蕭客仲林
蘄水王登雲根石
陽湖錢伯珂魯思
黃梅喻文鑒治存
吳縣陸 景重光
南豐劉 斌見南
陽湖洪亮吉穉存
武進黃景仁仲則

梅村詩集

參閱姓氏

吳江吳 燮萬長
休寧朱 奕文游
崑山徐德諒尹達
海寧吳 騫槎客
元和彭紹升允初
廣寧趙嘉程雲章
長洲汪元亮明之
元和尤世楠文叔
南匯吳省蘭泉之
長洲戴延年壽豈
嘉興張廷梅羹若
桐鄉金德興雲莊
元和蔣麟書震遠
吳縣陳元基復生

長洲李 繩勉百
嘉定王鳴盛鳳喈
歙縣鮑廷博以文
海鹽張燕昌芭堂
長洲薛起鳳家三
長洲陳學海文瀾
長洲周 鉢寶傳
長洲張思孝南陔
太倉曹應錡可堂
長洲張邦弼清臣
寶山毛大瀛海客
武進趙懷玉億孫
吳縣沈起鳳桐威
元和林蕃鍾煜奇

梅村詩集

參閱姓氏

二

武康高文照東井

秀水王復敦初

吳江史善長仲文

陽湖楊倫西禾

懷寧余鵬年伯扶

黟縣朱需熙佐

歙縣方澍子雲

上海張位中立人

長洲虞敏勗之

吳江陳毓咸受之

吳縣石韞玉執如

漢陽葉繼雯桐封

南城吳照照南

陽湖劉嗣綰簡之

淳安方寧壽門

元和嚴蔚豹人

山陰李宏信柯溪

海寧陳鱣仲魚

長洲沈清瑞吉人

長洲顧承燕謀

吳縣嚴榮瑞唐

吳縣黃丕烈紹甫

懷寧楊邦直古愚

華容孫琪玉立

長洲吳嘉泰東屏

吳縣陶廣松如

方外默可臬堂

凡例

梅村集原刻四十卷。首古今體詩。次詩餘。次古文。今但箋釋其詩。仍依原編一十八卷。詩餘俟補注。嗣出。

是集收入欽定四庫全書別集類。謹將提要一篇。恭錄卷首。

古人詩集。或分體。或編年。是集於分體之中。仍寓編年之意。近婁東程迓亭氏編年而不分體。然既無年譜可據。轉恐易於差謬。況此集出於門弟子之手。師承有自。當不誣也。

是集向無注本。愚實竊爲之後。黎城靳氏集覽出。其中有可采者。摘附數十條。仍標明所自。不敢攘善也。

靳氏集覽。每字必詳出處。繁瑣無當。而於引用史傳。反寥寥一二語。略無端緒。余故深矯其弊。庶乎詳略得宜。凡所采錄。有節刪而無竄易。其尋常習見之事。不復多贅。

余家略有藏書。兼復通假于人。凡與本書有涉者。隨時纂入。頗有外間希見之本。至於郡縣山川古蹟。必準諸史志。及歷代古志。以攷沿革。以資勝覽。不敢奉兔園冊。但斤斤記里已也。

詩人之義。其旨微。其趣逸。其寄託深遠。苟能明其事之本末。令讀者諷詠涵濡。而義自見。若其事未明。猥欲穿鑿箋釋。反覆數十百言。按之本末。未必皆詩人之意也。恐於茲集。不敢瑣瑣饒舌。以蹈傅會穿鑿之病。

注詩與解詩不同。詩中原委曲折。讀者自能會心。若必彊加評跋。致落時文蹊徑。所不取也。自來注詩家。多以己意橫隔前人詩句。遂令全詩斷續破碎。不便吟諷。今總附於本詩之後。注中仍用大字標目。庶讀者一目瞭如。仿惠氏精華錄訓纂例也。

是編初始乾隆甲申乙酉間。至今閱五十年矣。同時朋好。互相參閱。間有補益。具列於篇。仍另標姓氏於卷首。

梅村既無年譜。今以顧氏行狀陳氏墓表。具列簡端。先生出處事迹。略可想見一斑。開雕於嘉慶甲戌二月。至歲莫畢工。校讎再四。恐尚有譌字。古人云。校書如掃落葉。隨掃隨積。洵非虛語。

愚學殖疎漏。見聞不廣。其中差誤脫漏之處。尙望博雅君子是正焉。

不務標榜。尤人所難。

此下原空十三格。

海內之士。與浮屠老子之流。以文爲請者。日集於庭。麾之弗去。一篇之出家。

傳人誦。雖遐方絕域。亦皆知所寶愛。雅善書。尺牘便面。人爭藏。奉以爲榮。所著梅村集四十卷。春秋地理志十六卷。春秋氏族志二十四卷。綏寇紀略十二卷。又樂府雜劇三卷。先生生於明萬曆己酉五月二十日。卒於今康熙辛亥十二月二十四日。享年六十有三。寢門之哭。學士大夫輒失聲曰。先生亡矣。一代文章盡矣。原配郁氏。封淑人。先公十五年卒。先生初未有子。年五十後。連舉三子。喤。嚳。喧。尙韶。亂。有成人之志。側室朱氏出也。女九人。淑人出者四。浦氏出二。朱氏出三。先生屬疾時。作令書。乃自敘事略曰。吾一生遭際。萬事憂危。無一刻不歷艱難。無一境不嘗辛苦。實爲天下大苦人。吾死前。斂以僧裝。葬吾於鄧尉靈巖相近。墓前立一圓石。題曰。詩人吳梅村之墓。勿作祠堂。勿乞銘於人。又勅三子。若能效陳鄭累世同居之義。吾死且瞑目。嗚呼。先生之心事可悲也已。是歲正月旦。先生夢至一公府。主者王侯冠服。降階迎揖。出片紙。非世間文字。不可識。謂先生曰。此位屬公矣。十二月朔。復夢數人來迎先生。書期日示之。故豫知時日。竟不爽。斯亦異哉。涓之先子。與南郭西銘兩張公爲同社。社中惟先生最年少。涓又從先生游者垂二十年。而受先生之教爲深。先生素羸弱。善病。輒自言不久。少壯登朝。數忤權貴。獎護忠直。不惜以身殉之。旣而陵谷貿遷。同事諸君子。皆不免於難。以死。而先生優游晚節。乃死。人以爲幸。然非先生祈死之本懷也。先生閱歷仕途。雖未嘗有差跌。而其危疑遘會。禍亂洊臻。若天廣而無以覆。地厚而無以載。居恆苦忽。忽不樂。拂鬱成疾。以死。是諸君子處其易。而先生處其難。千載而下。考先生之本末。其猶將歎歔煩醒。執簡流涕。而悲不能自已也。所謂天實爲之。謂之何哉。涓與脩郡邑志。於先生例。當有傳。先生之從子曉。

梅村詩集 行狀

四

以事狀屬湄。用敢摺摭遺佚。附綴家乘之末。立言君子。尙有采於此云。謹狀。康熙十二年七月二十一日。

吳梅村先生墓表

澤州

陳廷敬

說

蘇州郡治西南三十里、西山之麓、有墳畧如者、詩人吳梅村先生之墓也。先生宦達矣、行事卓卓、著於官、而以詩人表其墓者、從先生志也。先生諱偉業、字駿公、晚自號梅村、五世祖凱、前明永樂間舉孝廉、官禮部主事、年三十以養親乞歸、遂不出、世稱貞孝先生。高祖愈、成化進士、官河南參政、並見吳中先賢傳。世居崑山、曾祖南、以善書授鴻臚、祖議、始遷太倉、父琨、能文章、祖父皆受先生封、爲中憲大夫。先生少聰敏、年十四能屬文、里中張西銘先生、以文章提唱後學、四方走其門、必投文爲贊、不當意、卽謝弗內。有嘉定富人子、竊先生塾中藁數十篇、投西銘、西銘讀之大驚、後知爲先生作、固延至家、同社數百人、皆出先生下、弱冠舉於鄉、爲崇禎辛未會試第一人、廷試第二、授編修、是時年二十三耳。制辭云、陸機詞賦、早年獨步江東、蘇軾文章、一日喧傳天下、當時中朝士大夫、皆以爲不媿云。崇禎中、黨事尤熾、東南諸君子、繼東林之學者、號曰復社。原空二字以東林之末響爲復社先、而先生西銘高弟也。西銘旣爲復社主盟、先生又與西銘同年舉進士、故立朝之始、遂已大爲世指名。當是時、淄川張至發、烏程黨也、繼烏程而相、剛愎過、烏程先生始進、卽首勸淄川、奏雖寢不行、其黨皆側目、頃之遷南京、國子監司業、時黃道周以事下獄、先生遭監中生涂、某賈表至京、涂伏闕上疏、申理道周、黨人當軸者、以爲先生指示、使將深文其獄、以中先生會、其人死乃已。旋奉使河南、封藩、丙子典試湖廣、當時號得士、尋遷中允、諡德丁、嗣父艱、服除、會南中立君登朝、一月歸、本朝初搜訪天下文章、舊德、溧陽海寧兩陳相國、共力薦先生、以秘書院侍讀徵、轉國子

祭酒尋丁嗣母憂歸於家。時年四十五。先生既無意於時。年力尙強。閉戶著數千百言。而尤以詩自鳴。悲歌感激。有不得於中者。悉寓於詩。居婁東。以詩倡海內。海內宗之。余生稍晚。不及見先生。讀先生詩。如受教焉。先生令子給事中。曝以詩世其家。甲申。余爲薦於朝。遊余門。輿論詩相得也。丙戌冬。丁其生母朱安人艱。將合葬。泣而來請曰。先生治命云。吾詩雖不足以傳遠。而是中之寄託良苦。後世讀吾詩而知吾心。則吾不死矣。吾性愛山水。葬吾於靈巖鄧尉間。碣曰。詩人吳梅村之墓。足矣。不者。且不孝。曝不忍違先志。敢請一言以表之。按先生生前明萬歷己酉。以康熙辛亥卒。年六十三。元配郁氏先卒。子三。曝、隣、喧。皆朱安人出。女子九人。朱安人以康熙四十五年丙戌七月二十六日卒。與郁夫人皆附葬於先生之墓。是爲表。